

Bearta Forfheidhmiúcháin do Thuairisceáin atá Thar Téarma

Tabhóidh tuairisceáin bhliantúla a chomhdófar go mall leis an CRO, pionós as comhdú mall de €100 le héifeacht ó dhul in éag spriocdháta comhdúcháin na cuideachta, le pionós laethúil de €3 ina dhiaidh sin suas go huasmhéid de €1200 in aghaidh an tuairisceáin.

De bhreis ar an bpionós as comhdú mall, tá sé de chumhacht ag Cláráitheoir na gCuideachtaí faoin dlí roinnt bearta forfheidhmiúcháin a thionscnamh i ndáil leis na cuideachtaí sin a chomhdóidh go mall. Tá cuideachtaí ann áfach atá ag íoc pionós as comhdú mall go leanúnach. Mar bheart nua, agus de thoradh ar sin beidh gaol díreach idir na bearta forfheidhmiúcháin a úsáidfídh an CRO i ndáil le cuideachta agus stair na cuideachta sin ó thaobh a tuairisceán bliantúil a chomhdú i gcás an dá bhliain is déanaí.

"Daingean ach cóir" is ea an mana taobh thiar den IEE agus is iad na ceithre prionsabal faoina bhun:

Comhréireacht: Déileálfaimid le neamhchomhlíonadh le freagra comhréireach forfheidhmiúcháin, agus bainfidh déineacht an bhirt le stair na cuideachta maidir le comhlíonadh.

Comhsheasmhacht: Áiritheoidh an IEE nach bhfágfar cuideachtaí amach as an bpróiseas forfheidhmiúcháin ar chóir iad a áireamh ann. Úsáidfaimid cur chuige comhchosúil i gcúinsí comhchosúla.

Trédharcacht: Cinnteoidh go dtuigeann stiúrthóirí cuideachtaí cad é a bhfuilimid ag súil leis uathu. Cinnteofar go soiléireofar na fáthanna go bhfuil gníomh forfheidhmiúcháin beartaithe againn nó na fáthanna gur ghlacamar gníomh forfheidhmiúcháin.

Díriú ar Sprioc: Cinnteoidh go ndíreofar iarrachtaí ar na cuideachtaí sin a sháraíonn a gceanglais chomhdúcháin arís agus arís eile.

Is é seo a leanas an réimse bearta forfheidhmiúcháin a fhéadfar a úsáid i gcoinne do chuideachta i gcás nach seachadfaidh sí a tuairisceán bliantúil in am (i dteannta le haon tuairisceán bliantúil a d'fhéadfaidh a bheith gan chomhdú go fóill):

Ordú Ard Cúirte

Faoi Alt 71 d'Acht na gCuideachtaí 1963, Cumhachtaítear an Cláráitheoir, ar dhul in éag tréimse de 56 lá tar éis fógra a eisiúint chuig do chuideachta agus/nó chuig stiúrthóirí na gcuideachta, i gcás nach gcomhdófar tuairisceán bliantúil nó tuairisceáin bhliantúla atá dlite isteach faoi dheireadh na tréimhse sin, iarratas a dhéanamh chuig an Ard Chúirt ar:

- ordú a threoiréoidh don chuideachta a mainneachtain a shlánú laistigh den tréimhse sin a d'fhéadfaidh an Chúirt a shonrú
- go n-íocfaidh oifigigh na cuideachta atá freagrach as an mainneachtain costais an iarratais agus aon chostais eile a bhaineann leis an iarratas.

De bhreis ar sin, féadfaidh an Cláráitheoir an beart seo a úsáid chun comhdú tuairisceáin atá fós gan chomhdú a áirithiú, d'ainneoin ionchúiseamh na cuideachta roimhe seo, nó ionchúiseamh a stiúrthóirí roimhe seo toisc nár comhdaíodh tuairisceáin bhliantúla, i gcás go bhfanann aon tuairisceán bliantúil gan comhdú tar éis ionchúiseamh na cuideachta nó a stiúrthóirí.

Fíneáil ar an Láthair

Faoi alt 66(1) den Acht um Fhorfheidhmiú Dlí na gCuideachtaí 2001, caithfidh duine nó cuideachta mainneachtana, taobh istigh den tréimhse 21 lá tar éis fógra maidir le fíneáil ar an láthair a d'eisigh an Cláráitheoir chuig an duine sin nó chuig an gcuideachta:

- An mhainneachtain sin a leigheas tríd an tuairisceán bliantúil nó na tuairisceáin bhliantúla a chomhdú agus
- An méid a shonraítear san fhógra a íoc leis an gCláráitheoir.

Déanfar an duine nó an chuideachta mainneachtana a ionchúiseamh mura gcomhlíonfar téarmaí an fhógra um fhíneáil ar an láthair laistigh den tréimhse de 21 lá.

Cuideachtaí agus Stiúrthóirí a ionchúiseamh

Féadfar cuideachtaí agus stiúrthóirí cuideachtaí a mhainneachtóidh tuairisceán bliantúil a comhdú leis na CRO a ionchúiseamh faoi Alt 125 d'Acht na gCuideachtaí 1963. Ar ionchúiseamh is é an uasphionós

do gach cion ná €1900. Féadfar stiúthóir a fuair trí ionchúiseamh den sórt sin a dhícháiliú ó ghníomhú mar stiúrthóir, nó ó aon bhaint a bheith aige nó aici le bainistíocht aon chuideachta.

Baint Neamhdheonach den Chlár

Féadfar aon chuideachta a mhainneachtóidh tuairisceán bliantúil a chomhdú i ndáil le haon bhliain amháin, a bhaint den clár agus a dhíscaoileadh. I gcás go bhfuil tuairisceán bliantúil fós gan comhdú, níl gá ach go n-eiseoidh an CRO rabhadh reachtúil amháin, chuig oifig na cuideachta.

Caillfear cosaint an dliteanais teoranta le héifeacht ón dáta a bhainfear den chlár agus dílseoidh aon sócmhainní de chuid na cuideachta san Aire Airgeadais trí fheidhmiú an dlí ar dhíscaoileadh na cuideachta. De bhreis ar sin, féadfaidh an Stiúrthóir um Fhorfheidhmiú Corparáideach iarratas ar ordú a dhéanamh dá éis sin chuig an Ard Chúirt, de bhun alt 160 d'Acht na gCuideachtaí 1990, arna leasú, ag dícháiliú stiúrthóirí na cuideachta ó ghníomhú mar stiúrthóirí nó iad a dhícháiliú ó aon bhaint a bheith acu le bainistíocht aon chuideachta, mar aon le hOrdú do na costais dlí tabhaithe ag an Oifig Stiúrthóra um Fhorfheidhmiú Corparáideach agus í ag tionscnamh iarratais den sórt sin agus na costais tabhaithe ag an Oifig sin agus an t-ábhar seo á fhiosrú.

*Toisc an bhéim ar an tuairisceán deiridh, ní gá go mbainfeadh áireamh cuideachta ar an liosta le haghaidh forfheidhmiúcháin le cuideachta a chomhdóidh a tuairisceán/tuairisceáin in am sa bhliain reatha. **Ach, mura gcomhdóidh do chuideachta a tuairisceán reatha in am, cinnfear nádúr an bhirt fhorfheidhmiúcháin a úsáidfear le tagairt do chomhlíonadh do chuideachta lena hoibleagáidí comhdúcháin sna blianta roimhe seo.***

Ar thug tú cuairt ar www.cro.ie go fóill?

Úsáid do mhéara chun cuardach cuideachta a dhéanamh

Cuardaigh an clár de réir ainm nó uimhir chuideachta chun faisnéis a fháil faoi bhreis is 465,000 cuideachtaí idir bheo agus dhíscailte agus 375,000 ainm Gnó.

Má bhíonn faisnéis níos mionsonraithe de dhíth ort, oscail cuntas taisce CRO agus ordaigh doiciméid ar líne cosúil le tuairisceán bliantúil, cuntais chuideachta nó asphrionta cuideachta.

Sábháil am trí fhoirmeacha a chomhlíonadh ar líne

Cuir na sonraí um athrú seolta, nó athrú stiúrthóra/rúnaí in iúl dúinn saor in aisce. Seiceáil stádas d'aighneacht in am ar bith agus oscail foirmeacha mar chóipeanna agus úsáid arís iad.

Faigh cóip de theastas am ar bith

Féadfar an teastas sin um ionchorprú nó an teastas um chlárú gnó a thíolacadh chuig na Coimisinéirí Ioncaim agus iarratas á dhéanamh ar cheadúnas deochanna meisciúla a athnuachan nó a aistriú.

Bí ar an Eolas

Ghlac síntiús lenár seirbhís nuachtlitreach atá saor in aice agus coinneoidimid tú chun dáta faoin nuacht is déanaí sa CRO.

Íoslódáil foirmeacha agus foilseacháin

Brabhsáil tríd ár sraith de bhileoga faisnéise, agus féach ar an gcóip is déanaí dár bhfeasachán faisnéise do Stiúrthóirí cuideachtaí "Tábhacht agus ábhar a bhaineann le Comhlíonadh Corporáideach".

Tuilleadh faisnéise ar fáil ó

www.cro.ie

Tar éis ionchorprú cuideachta tá dlite ar oifigigh chuideachta athruithe maidir le sonraí cláraithe a gcuideachta a chur i bhfios dúinn. Tuilleadh faisnéise ar fáil ag www.cro.ie > Post Registration

Ríomhpost

Déan teagmháil leis an Rannán um Chomhdú Leictreonach tríd an ríomhphost ag electronic_filing@entemp.ie nó ar an teileafón ag 01 804 5355/5310/5484.

Bileoga Faisnéise

"Sé rud nach mór a bheith ar eolas ag gach stiúrthóir cuideachta maidir le cuideachta a chlárú"
Bileog Faisnéise Uimh. 2

"Rúnaí na Cuideachta"
Bileog Faisnéise Uimh. 16

"An Ceanglas Stiúrthóir a bhfuil cónaí air nó uirthi in Éirinn a bheith ann"
Bileog Faisnéise Uimh. 17

"Tuairisceán Bliantúil a chomhdú sa CRO"
Bileog Faisnéise Uimh. 22

Féadfar na bileoga faisnéise seo agus cinn eile a íoslódáil ó www.cro.ie > Downloads

COMPANIES REGISTRATION OFFICE

Public Office: Parnell House, 14 Parnell Square, Dublin 1
Postal Enquiries: O'Brien Road, Carlow

Lo Call: 1890 220 226
Tel: +353 1 804 5200 Fax: +353 1 804 5222
Email: info@cro.ie Web: www.cro.ie

AN OIFIG UM CHLÁRÚ CUIDEACHTAÍ
Oifig Poiblí: 14 Cearnóg Pharnell, Baile Átha Cliath 1
Fiosruithe: Bóthar Uí Bhriain, Ceatharlach

Lóghlao: 1890 220 226
Fón: +353 1 804 5200 Faics: +353 1 804 5222
Ríomhpost: info@cro.ie Láithreán: www.cro.ie



COMPANIES REGISTRATION OFFICE
AN OIFIG UM CHLÁRÚ CUIDEACHTAÍ